

重刊道藏輯要

太古集

廣甯子郝大通撰

周易參同契簡要釋義并序

教者道之所以生也道本無名彊名曰道教本無形假言顯
教教之精粹備包有無故以無言之存乎道體以有言之存
乎器用體之以爲無用之以爲利若曰有形生於無形則乾
坤安從而生用教化於無知則真知安從而出若夫太極肇
分三才定位布五行於立極列入卦於空廓發揮七政躔次
紀綱垂萬象於上方育羣靈於下土是故聖人仰觀俯察裁

道藏輯要

太古集

八

胃集八

成輔相信四時而生萬物通變化而行鬼神通精無門藏神
無穴寂然不動感而遂通至於修真達道之士用之德化十
方慧超三界升沉而龍吟虎嘯消息而蛇隱龜藏一往一來
神號而鬼哭一伸一屈物我以俱忘當是時電激而入表騰
輝雷震而三山動色鶴飛鳳舞鹿返羊迴冲氣盈盈瑞雲密
密萬神羅列羣魔遁形玄珠迸落於靈臺芝草齊生於紫府
覺花纔放法海淵深直入玄都永超陸地所謂毛吞大海芥
納須彌木馬嘶鳴石人唱和此皆開悟後覺不得已而爲言
是道也用之以順兩儀序而百物和行之以逆六位傾而五
行亂非夫至極玄妙其孰能與於此乎於是略叙玄文刪爲

節要云耳時大定十八年歲次戊戌五夏十有九日序

易之道以乾為門以坤為戶以北為樞機以日月為運化以四時為職宰以五行為變通以靜為體以應動為用以剛柔為基以清淨為正以雲雨為一以萬象為法以品類為一以吉凶為常以生死為元以有無一教故知教之與化必在乎人體之善用必在乎心變而又通必在乎神以一神總無量之神以一法包無邊之法以一心統無一自古及今綿綿若存是謂周易參同契簡要釋之義也

天體道廣

清虛廣遠純陽不雜

道藏輯要

太古集

九

胃集八

乾用德普

運行不息應化無窮

善始嘉通

會合羣靈通理物性

義和真固

協和濟利堅固貞正

大妙至哉

法此行道隨時變通

玄元聖祖

規矩後人光澤天下

資乎萬物

眾象之宜資取乾用

統御雲雨

雲氣流行雨澤施布總及萬靈無有壅蔽

克明初末

克明萬物終始之道始則潛伏終則飛躍可潛則潛可飛則

飛是明達乎始終之道

時乘六戶

陽有六則陰有六則健順隨時始終如一若不以時而用者

應潛則飛應飛則潛應生而殺應殺而生六位不以時乘而

道藏輯要

太古集

十一 胃集八

反害矣

伏虎飛龍

陰伏陽飛陽生陰殺

式宙控宇

升降不怠運轉無窮

變方化功

應用之道革故從新為之以漸謂之變一有一無忽然而改

謂之化言乾之為道使物漸變者使物卒化者莫非資始生

養萬物總統隱顯之功

性端命輔

乾之爲用見乎變化變化之功使物各正性命性者天生之質若剛柔遲速之別命者人所稟受若貴賤壽夭之屬故知無形生於有形有形之所累也惟天道有形能健而不爲所累者蓋謂乘變化而御大器靜專動直不失太和乾之爲體靜佳之時則專一不轉移也其運動之時正直不傾邪也不失大利豈非正性命之情者邪乾能正定物之性命物之性命各有情也所稟生者謂之性隨時念慮謂之情故以真言之存乎其性以邪言之存乎其情情去性存命自歸而輔之保合太和

乾之爲用純陽剛暴若無和順則物不得利又失其正若能

道藏輯要

太古集

七

胃集八

保安合會太和之道乃能永固使物各正性命而久長也

利貞迺甫

貞固幹用利益於物

剛專柔直

內則存乎剛健專一不移轉也外則用乎柔弱正直不傾邪也

匠眾規矩

君子所以能行此道匠成萬物教化無窮者也

君子自彊

運用不休終而復始彊而又壯君子之道備矣君者主也子

者愛也主臨上位愛人濟物學道之者通乾用而行大利晝
夜不息無有虧退君子之人自彊勉力不有止息惟施於眾
教令可取

此明君子之人體道用事內剛外順靜專動直若雲行雨施
四時以序萬物以生一切羣品無不周普

地體道大

沉實純厚無所不載

坤用德隆

柔和厚載包容眾垢以順羣生通理物情猶乾之德其德隆
大

道藏輯要

太古集

三 胃集八
川三册

長益羣品

長養利益羣靈品類始生萬有各得通暢

事備曲通

順時待物屈己伸人

攸攸君子

柔順幹正嘉美之功

雌極化雄

不爲事始待唱乃和謙尊卑光已若進人必人進已先雌而
化雄也

西南不利

陰柔不立物有所害

東北立功

志意和同性行柔弱臨事決斷不有私曲正此義也

乘此達彼

得正順志利保守常

黃委宗風

惟正是從隨時渝變

資生萬有

妙用宏濶無所疎遠

承順天聰

道藏輯要

太古集

行不違禮柔順不邪

厚能載物

至順包承不亂羣也

至理無窮

居中得正任其自然

含弘光熾

和光同眾俯仰不獨

品類熙沖

和氣沖滿物得生存言善則遷道歸羣品始終不懈君子之

正

正一天師清微弟子 洪百堅 製作

道教學術資訊網

三 181 胄集八

實相非相

依尊履正行命有功返視內觀相實非有非相之實實非相故

真空不空

不居住不造爲空真不存不空之真真不空故

全其眾妙

質素不奢修仁守正

器與玄同

清淨精潔固志在一恢弘博施中正不偏安乎得失變通隨時成其道果

道藏輯要

太古集

齒

四集八